


[www.BibleForChildren.org](http://www.BibleForChildren.org)

San Juan 14



Ipape Jesús aipo ehi opacatu oreu: “Pepihañemoñeta atii rene; peyeroya Tūpa rese, che rese avei peyeroya. Esepia, che Ru rētave setá oime pe reco ãgua; ãgüe ndehise rumo, namombehui chira aipo pẽu viña. Sese che asora pe recuarã moingatu. Imoingatu pare ayevira pe reca che recosave pe reraso ãgua cheyepiri.”



Che, Juan, pe riquehir aico, iyavei che pe nungar  
Tũpa povri pendar aico, cheparaisu avei vichico  
Jesucristo rese che recosave che



ñemosasa pipe Che  
roquendasa  
vichico. . .



. . . caha pãhumi paraguasu aviterve Patmos  
serer vahesave Tũpa Ñehengagũer mombehusa  
pipe sui tẽi, Jesucristo recocuer

mombehusa  
pipe sui tẽi avei no.




Ahe pīpeve voi, Espíritu pīratasa pīpe aico iyavei  
asepia tenda ivave, ahe iharive ñepei oguapi oĩ.



Ahese asendu avei opacatu Tūpa rembiapo ivave  
yuvirecoi vahe, ivi pipendar, ivivri rupindar iyavei para  
guasu pipendar, aipo ehi  
yuvireco: “iToime sapucaisa,  
Tūpa upendar mboyeroyasa,  
imboeteisa, iyavei pīratasa,  
ahe timondosa apirēhi vaherã  
Tūpa acoi  
güendave  
oguapi vahe  
upe, Tahir  
Ovesami  
nungar upe  
avei no!”  
ehi.



Che asepia tecua nimirai vahe, ahe Jerusalén piasu, evocoi ogüeyi vahe Tüpa sui ou. Opacatu imoingatusa tupri vahe, inungar acoi cuña omenda ãgua oyemboetei tupri omevi upe.



Ipape asendu ñehesa pĩrata tenda suindar aipo ehi  
vahe: “Tũpa cũritei oicove ava rehii pãhu rupi oico. Ahe  
oicove vaherã ité sese yuvireco yepi, ahe ava  
evocoyase chupe nara ité yuvirecoira. Ahe teieté niha  
secoira  
yuvireco  
chupe.”



Ipape Tūpa rembiguai omboyecua iai tecovesa  
resendar cheu, tĩpiu, oyecua tupri, osẽ vahe Tūpa  
iyavei Ovesami renda porañete vahe sui.



Evocoi tecua guasu ndovireco iri eté ari, yasi güesape ãgua. Esepia niha, Tũpa ité osesape güendigüer pipe, iyavei Ovesami tataendi nungar secoi aheve yuvirecoi vahe upe.




Ipape opara aheve ambuae tecua mbahe eta,  
porañete vahe omoingue yuvireco; ava angaipa viyar  
rumo, Tũpa remimbotarẽhi  
oyapo vahe, iporombopa  
serai vahe, ahe  
ndoyuviroiquei chietera  
aheve. Ëgũe ehi rumo  
acoi ava vireco vahe  
gũerer icuachiapri  
Ovesami cuachiar  
tecovesa resendar  
pipe yuvireco, ahe  
gũeraño yuviroiquera  
aheve.




“Ahe niha omombituhura opacatu ava resai; iyavei ava nomanoi chietera; ndoyasehoi chira yuvireco; ndipoi chira viharẽhisa, tecoasisa avei chupe. Esepia niha, opacatu mbahe oime vahecuer yipindar, ndipo iri eté” ehi.




Ndipoi chietera aheve que mbahe tẽivri pendar. Tũpa  
renda poraĩete vahe iyavei Ovesami renda avei chinira  
evocoi tecua guasu pipe. Aheve sembuguai eta  
omboeteira yuvireco. Osepiara sova iyavei virecora  
serer osiva rese yuvireco.



Ipape asepa omano vahecuer seco ivate vahe, seco mbegüemi vahe avei no opüha yuvinoha Tüpa rovai; ahese cuachiar opa ipipirasa yuvireco, iyavei ambuae cuachiar. Ahe cuachiar tecovesa resendar. Omano vahecuer upe evocoiyase porandusa evocoi cuachiar pipendar mbahe sembiapogüer rese. Aheve opa imondosa acoi ndovirecoi vahe güerer icuachiapri cuachiar tecovesa resendar pipe.



Espíritu Santo iyavei Ovesami rembireco aipo ehi:  
“¡Perio!” ehi ava upe yuvireco. Iyavei acoi ava osendu  
vahe iñehe, “¡Perio!” tehi ambuae ava upe yuvireco.  
Iyavei acoi ava ihusei vahe, toyugüeruño; acoi ava  
oipota vahe, toipisi i tecovesa resendar ndasepii vahe  
yuvireco.



Supi eté Tūpa osaisú iteanga opacatu  
ava. Sese ombou Guahir ñepei vahe  
'tocañi tēi eme che Rahir reroyasar  
yuvireco' oya, 'tovireco tecovesa  
apirēhi vahe' ohesave.



Romanos 3:23 Supi eté yande opacatu yayapo angaipa,  
ndayasupitii eté Tūpa reco porañetesa.

Romanos 6:23 Angaipa niha ombou manosa tēi yandeu,  
Tūpa rumo oporerecosa ombou tecovesa apirēhi vahe  
yandeu yande Yar Jesucristo rese yande recose.

Hebreos 9:27 Supi eté opa rane itera ava omano yuvireco,  
ipare voi ñepeí reseve oimera porandusa.



Efesios 2:8,9 Esepia, oporovasasa pipe pe pĩsĩro Jesús rese peyeroyase. Ndahei rumo pe recocuer sui tẽi peñepĩsĩro, ahe rumo ombou porerecosa pẽu. Ndahei avei ava rembiapo sui tẽi ou vahe. Evocoyase ndiyai chira yayemboivate ai ipipe.

Romanos 10:9,10 “Jesús, che Yar” peyese, pe piha pipe peyeroyase avei Tu imbogüerayevisa rese, ahese ipĩsĩropri peicora. Esepia, yande piha pipe yayeroya Jesús rese. Ahese Tũpa, “Co seco catupri vahe” ehira yandeu. Iyavei yamombehuse sese yande yeroyasa, ahese ipĩsĩropri yaicora.



San Juan 3:16,17 “Supi eté Tūpa osaisú iteanga opacatu  
ava. Sese ombou Guahir ñepe vahe ‘tocañi tēi eme che  
Rahir reroyasar yuvireco’ oya, ‘tovireco tecovesa apirēhi  
vahe’ ohesave. Esepia, nomboui Tūpa Guahir co ivi pipe  
ava mocañi tēi ãgua; ahe rumo ombou ava pĩstro ãgua.”

1 San Juan 5:11-13 Co Tūpa remimombehu: ahe ombou  
yandeu tecovesa apirēhi vahe. Co tecovesa Tahir rese  
secoi. Acoi oipisi vahe Tūpa Rahir optha pipe, ahe vireco  
avei co tecovesa. Acoi ndoipisii vahe rumo, ndovirecoi eté  
tecovesa oyese. Co aicuachía pēu, pe pereco vahe Tūpa  
Rahir, peicua ãgua pe supi eté pereco tecovesa apirēhi.



San Juan 14; 2 Corintios 5;  
Apocalipsis. 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Guarayu Bible (gyr) © 2011, Wycliffe Bible Translators, Inc.  
All rights reserved.

<https://live.bible.is/bible/GYRSBB/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

